

# LOU CARRETIÉ DE SAN ROUMAN

Pèr la gènto Madelounet  
Que lèvo lou pèd net,  
Lou carretié de San-Rouman  
Finira pas soun an ;  
l'a mai d'un mes que lou pelot,  
L'entend plus quince mot ;  
Tira au boucau  
Quauque cigau  
De bon vin pur ié fai plus gau ;  
Soun ardour  
Chasquejour,  
S'en vai senso retour.

## Refrain

Vai, Batisto,  
Vai, Batisto,  
Vai,  
Lèu-lèu à toun travail  
Que pourries veni niais,  
Ai!

Vai, Batisto,  
Vai, Batisto,  
Vai,  
Lèu-lèu à toun travail  
E forço un brisoun mai.

En te lougant m'aviés proumés  
D'avé siuen dis âmes,  
Qu'à la miouletto de cinq an  
Fariés lou catagan ;  
Me de lignou en cabedèu  
Courdura li bridèu ;  
Bridèu, licou,  
Toujourpèrsou  
Coulas e ravo flamo nou ;  
Lou bidet  
Poulidet  
Se maco lou coutet.

Te vesiéu escarrabiha  
Grand matin pèr biha  
Li grand viage de fourmentau,  
Qu'en passant au pourtau  
Restavon né 'me un pan de nas  
Long-tèms de garçounas.  
Mai desempièi,  
Cinq fes sus siès,  
Toun enchainço trop se vei !  
Cargues court,  
Es miejour  
Qu'as panca près lou tour.

De cache n'aviésjamai proun,  
Amaves li pebroun  
Estoufa dedins l'aigo-ardènt  
T'anavon à la dent;  
L'anchoio pèr li pèd terrous  
Nadant dins l'oli rous,  
Que te n'en enchau,  
Siès un fichau  
As abouti lis artichaut !  
1 rais-fort,  
Fas d'esfors,  
Avaies contro cor.

Pelot se sabias quau ai vist  
Amount dins li galis?  
La chato dou mas de Flechoun,  
Un galant mourranchoun;  
Tre pouncheja dis agrenas  
Oublidère lou mas.  
Me digue : vau  
Liuen dis avaus,  
Manja d'amouro peravau,  
M'un iue viéu,  
Sacrebiéu!  
Que treboulé li miéu.